

【國家社會科學基金重大項目】

何建明 主編

中國地方志
佛道教文獻匯纂

寺觀卷

(27)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛教文獻匯纂

寺觀卷

（27）




國家圖書館出版社

中國地方志佛道教文獻匯纂·寺觀卷
河北省 滄州市

河間府志

明·郜相修 樊深纂
明嘉靖十九年（一五四〇）刻本



河間府志卷之三

樊深撰

建置志

古蹟

本府

考之古蹟見一統志暨諸經史子集故縣丘城居多當時或省或併或析或廢或徙或置或斥大或割裂雖有內外遠近之殊要之皆在其地故特序于城池志之後至于關寨臺壘舍館第宅田園廟宇寺觀陵墓之類是又斯地公私之所規厝輒並附焉而古今地望皆在目中矣

資勝寺

在府治東僧綱司在內洪武中重建無相真河間府古寺詩海底泥

牛乳山頭木馬嘶工夫行到此授法得傳衣

真武廟

舊為天王臺後更為真武廟詹事兼翰林院學士郡人程敏政撰真武廟記我

太祖高皇帝定鼎之初大正祀典而金陵所存者十廟真武之神居其一我

太宗文皇帝潛龍燕邸以至為帝而真武之祠在武當山者尤盛蓋燕之境北方而真武者北方之神所以

陰翊我

文皇者其工甚大夫以

二聖之所敬供于此者固非凡陋所敢知而真武之有廟于今日者非遙祀矣河間故有真武廟在城中北

隅莫或知其所從起惟梁間有題名知為元大德中所建每郡有水旱疫癘則禱輒應而歲久朝日就于

圮太守賈侯忠暨郡僚諸公力謀葺之乃俾道士王
 慶雲主祀事且鳩工重建神宇廟門屋及鍾鼓樓若
 干楹爲從神十有四復以予故邦人托上舍何君隆
 求記其成予聞之青龍朱崔白虎玄武之名見于曲
 禮朱子以謂指四方之星形似而言蓋師行則盡于
 旗旄之上以象天而示武非實有四物若是其停然
 可畏儼然可象也蓋以角爲角心爲心尾爲尾故謂
 之青龍以參有四足如虎故謂之白虎以翼井如冠
 而軫如項下之喙故謂之朱雀以虛危如龜而滕蛇
 在虛危度之下故謂之玄武詩注所謂鳥隼曰旄龜
 蛇曰旒旒楊子雲所謂龍虎鳥龜是已夫位任北方故
 曰玄武身有鱗甲故曰玄武至宋真宗始避聖祖諱改玄
 爲真夫以四方之星取其形似而畫于旄旒之上以
 象天而示武初非有神主之也然其精之粲然列于
 上者實天之經自古聖王莫弗重之曰仰觀曰曆象
 蓋其定四時以前民用畫分野以正疆域示先徵以
 垂世戒者固非真然不靈之物則隨其方之所在而
 祀之以爲祝釐之地亦禮之以義起者也或又謂祀

禮莫大于六宗而幽宗所以祭星其祀蓋天子所主而庶人不得僭者今廟于巫祀于禮顧弗悖乎是固一說然古者尊天而親地故禮惟天不可瀆而庶人得以祀后土夫后土尚可以祀而況于星辰乎由此觀之則斯廟之設亦弗愆于禮矣河間爲北方大郡而真武以其方之神廟食其土而福其人事蓋有不可不書者賈侯爲郡而嚴于事神慶雲能任是役以不負郡侯爲民祈報之意事皆得附書故輒記其始末以推本

二聖之意於首且繫之以詩使凡有事於斯者當益敬益共以致夫神而明之義勿褻焉詩曰瀛城之北有祠穹窿誰其居之玄帝之宮帝時下臨火旗雲馬邦人具瞻拜舞驚詫有龜盤盤有蛇蜿蜿參贊化樞庶危之間感火飛廉悉帝所部駕風鞭霆翊我玄度備凶無凶瀛人告荒惟帝之賜時雨時暘沴氣氤氳病我瀛土轉禍爲祥爲帝之嘏維嚴新祀有寢有堂邦人來享鍾鼓嗶嗶時和歲豐惟帝攸賴眷我邦人敬共無怠湯湯瀛水日夜趨東惠流無窮惟帝之功

獻縣

白鶴寺

又名白馬唐沈佺期樂城白鶴

寺詩碧海開龍藏青雲起鴈堂潮聲迎法鼓雨氣濕天香樹接前山暗溪承瀑布涼無言誦居遠清靜空

天福泉寺

在縣治西僧會司在內洪武三年建永樂三年重修

肅寧縣

能仁寺在

治東永樂中建僧會司在內

金華觀廢遺址尚存

交河縣

興化寺

在縣治西北唐貞觀初建洪武

十五年僧會惠資重建正統三年僧會性朗增脩今僧會司在內

青縣

觀音寺

在縣治古城內內有僧會司宣德四年僧會廣進重脩成化十三年僧會文班增脩

興濟縣

興國寺

在縣治東南一里舊有故**洪寺**在縣東北十五里宣德九年僧悟諒初建洪寺子口內有元大德三年所鑄之鍾清越逾常鍾擊之則聲聞數十里樂素老人洪寺曉鍾詩殘月疎星曙漸分華鯨響處隔松雲旅余驚破行人夢野店鷄聲次第聞教諭張頌前題招提東望曉星明百八傳聞四野聲萬里敲殘行客夢五更驚對讀書繁香熏目葉鳴初歇月落霜天響更清欲向前人問追蠡太平離亂幾紛更

昌

國里

在太保昌國公張繼

崇真宮

御製崇真宮碑宮

其地在河間興濟縣贈太保昌國公謚莊肅張繼舊宅東實維皇后毓慶之所神之在曩歲有靈兆焉比

勅司禮監太監李榮內官監太監李興相茲吉壤創建是宮出官帑銀若干兩爲材物費而中宮亦捐貲

助之既乃命巡撫都御史高銓發河間等府衛州縣兵民夫若干人卜日從事自弘治十一年四月十二

日至明年五月十九日告成爲殿三前曰三清中曰靈應後曰普濟旁殿六左曰普惠曰昭靈曰迎暉右

曰顯象曰廣濟曰成通又左右爲司二曰昭寧曰保善其間所祝自天帝而下逮于道家所載諸神各以

其秩位爲序而總名之曰崇真者爲真武而作也餘又爲丈室爲旁舍擇道士若干輩居之以奉祀事云

朕惟幽明之際不可得而詳矣真武者本北方玄武之像世乃繪塑以貌之廟宇以居之祭享之禮殆遍

天下蓋自宋以來已然我太宗文皇帝昭示靈貺建廟兩京歲遣官具儀致祭以

魚常制而大嶽之廟尤稱偉麗至命專官主之所謂
有其舉之莫之敢廢者也是宮之建乃出于神州赤
縣靈秀所萃禎異所著神之寓乎此也固宜召工役
衆不遠而積計事度物不日而就亦若有默起而冥
助者豈偶然之故哉且所尚乎神者以其能爲國與
民也神其有靈既廟食于此矣則宜以時降福俾風
雨調節民物豐豫間閭無戶外之驚由是本支百世
綿宗社于億萬年惟國之休而神亦永有攸賴哉爰
紀事始末刻諸金石以
詔來世系之以銘銘曰
王畿南東地靈是鍾
神升上天變化莫測
鍾鼓有儀俎豆孔實
神遊下界神之所宮
惟神無迹
都城之祠太和之山
神之鑒子降福穰穰
子受天眷惟人神主
有響有報以歲以日
椒房之祥梓里之光
豈惟是哉神亦予輔
河山回還帶礪無極
維神苴位以永終吉

靜海縣

觀音寺

在縣北僧會司在內
洪武四年僧會洪理建

勇泉寺

寧津縣

說見本府
古蹟下

龍泉寺

在縣治東北舊名海
螺寺洪武十五年僧

會義進重修今
僧會司在內

景州

說見本府
古蹟下

弓高城

在州東北四十里漢為侯國
崔浩曰韓增為龍頤侯今有

開福寺 在州治西北洪武古塔 在開福寺前塔高二

列宋元豐二年施磚人姓名按察司僉事郡人孫博

有景州八景詩其一古塔風濤詩予然一柱把天藥

底是尋常抱不平天籟長空翻地勢秋空下界湧潮

聲客途遠訝蛟龍怒僧寺頻看鳥雀驚絕頂靜觀真

景象却疑身世在蓬瀛戶部侍郎樂平喬宇登塔詩

閨旱初逢雨憑高獨御風天連瀛海北地控廣川東

日月樊籠外雲山圖畫中吾來訪民瘼登賞未須同

都察院右僉都御史山右王瓊和喬侍郎希大登塔

詩韻城郭新殘破哀號萬樹風馬群空冀北豺虎偏

山東民散饑荒後鄉迷惑亂中園桃并巷柳佳興與

誰同

吳橋縣大乘寺 在縣治西南宣德元年僧

洪達重建僧會司在內

故城縣 說見本府 **上故城鎮** **護國寺** 在縣治西南

僧會司在內

在舊滄州東北一百三十餘步有古碑什地金
大定十年建立字多缺落今考殘文及詢故老

以爲前代草木叢茂虎狼害人有一僧騎白驃云自西方來人以爲七佛祖師稱之曰賢聖能去虎狼之

害後不知所終居人因立南堂奉祀又立中堂北堂以分祈禱多應或祭以生鷄置廟中人不取物不

能害生有成群趙叔紀南堂鷄群詩白驪上人來西
方衲衣錫杖開三堂七佛相傳普賢聖約束猛虎如

驅羊道路從茲無阻塞海隅蒼生咸感德慈雲法雨
演終惠香火至今猶廟食行生祭祀留生鷄叢中抱

育林中棲孤狸不食人不取霜晨月曉漫山啼張姑
鄭娘亦靈異當時翊助心不二生死不銷浩然氣廟

貌堂堂宜立峙老夫此游今幾年有詩好題寸禪寺
名山川三堂事跡不可緩安得作記瑤瓊鐫圭

在州治內周廣順三年張藏英領坊州刺史率千餘人至滄州來歸刺史李暉以聞周祖令館於封禪寺

水月寺在州治南元時創建洪武十五年僧正司道
清重建宣德十年僧澤安移建於州治北三

里僧正司在內趙叔紀禪林水月詩禪林本在山谷
裡此境那容在 cities 乃知禪心清且明月輪下映銀
河水沙門遺教知幾春漢家宮闕飛金神昌黎上疏
救不得此道操持應有人崔嵬宮殿丹青繞霄漢
稜何矯矯方袍釋子忘客來門外白雲凝不掃吁嗟
世路徒營營誰識金仙真性情圓通湛寂本無礙不
與人間爭利名老夫有年居此處杖策尋幽幾來去
浮雲流水兩忘懷爲爾揮毫發長句與深宿水月寺
詩黃葉親來鳥清瀕儼去鷗地從林氏闢詩自冉公
留鼻岸雲爲障荒原氣作秋落花亭北面歸客海西
頭舊樹懸藤老鳴泉飛鶴幽長蘆寺見前黃
晚霞聞笛唱蕭灑近清流庭堅詩
鹽山縣古蹟見本府
福泉寺僧會司在內洪武間造永樂
寺前有井泉甘
而冽故名福泉
廢金縣古蹟見本府
古蹟下